

## REGLUGERÐ

um happdrættislán ríkissjóðs 1972, Skuldabréf A, vegna vega- og brúagerða á Skeiðarársandi, er opni hringveg um landið.

### 1. gr.

Fjármálaráðherra, f. h. ríkissjóðs, gefur út til sölu innanlands happdrættisskuldabréf, samtals að fjárhæð 100 milljónir króna, skv. heimild í lögum nr. 99 frá 28. desember 1971.

### 2. gr.

Happdrættisskuldabréf, skv. reglugerð þessari, skulu nefnd Skuldabréf A.

Þau skulu gefin út til handhafa og óheimilt er að skrá þau á nafn. Verðgildi hvers skuldabréfs er 100 krónur og eru þau í töluröð. Skuldabréfin skulu seld á nafnverði. Sala bréfanna hefst um miðjan marz mánuð 1972 og henni lýkur fyrir fyrsta útdráttardag, sem er 15. júní 1972.

Happdrættisskuldabréfin falla í gjalddaga að 10 árum liðnum frá útgáfudegi þeirra.

### 3. gr.

Við innlausn happdrættisskuldabréfs greiðir ríkissjóður verðbætur á höfuðstól bréfsins í hlutfalli við þá hækkun, er kann að verða á lánstímanum á þeirri vísitölu framfærslukostnaðar, er reiknuð er í byrjun febrúar 1972, miðað við þá vísitölu framfærslukostnaðar, sem Hagstofan skráir á gjalddaga bréfanna, hinn 15. marz 1982. Kauplagnefnd reiknar vísitölu framfærslukostnaðar, og eru núgildandi lög um hana nr. 70 frá 29. nóvember 1967, sbr. lög nr. 1 frá 30. janúar 1959. Happdrættisskuldabréfin skulu innleyst á nafnverði, þótt vísitala framfærslukostnaðar lækki á tímabilinu frá febrúar 1972 til gjalddaga. Happdrættisskuldabréfin verða ekki innleyst að hluta.

### 4. gr.

Rísi ágreiningur um framkvæmd ákvæða 3. gr. um greiðslu verðbóta á höfuðstól happdrættisskuldabréfanna, skal þá vísa málinu til nefndar þriggja manna, er skal þannig skipuð: Seðlabanki Íslands tilnefni einn nefndarmanna, Hæstiréttur annan, en hagstofustjóri skal vera formaður nefndarinnar. Nefndin fellir fullnaðarúrskurð í ágreiningsmálum, sem hún fær til meðferðar. Ef breyting verður gerð á grundvelli vísitölu framfærslukostnaðar, skal nefnd þessi koma saman og ákveða, hvornig vísitölur samkvæmt nýjum og breyttum grundvelli skulu tengdar eldri vísitölum. Skulu slíkar ákvarðanir vera fullnaðarúrskurðir.

### 5. gr.

Af happdrættisskuldabréfunum eru ekki greiddir vextir en vinningum úthlutað í samræmi við útdrátt númera sbr. 6. gr.

## 6. gr.

Árleg fjárhæð vinninga í þessum flokki happdrættisláns ríkissjóðs skal nema 7% — sjö af hundraði — af heildarfjárhæð skuldabréfa flokksins og skal dregið um þá einu sinni á ári, í fyrsta sinn 15. júní 1972, og í síðasta sinn hinn 15. júní 1981.

Vinningum skal úthlutað samkv. skrá þeirri, sem hér fer á eftir:

2 vinningar á kr.	1 000 000.00 = kr.	2 000 000.00
1 vinningur á kr.	500 000.00 = kr.	500 000.00
22 vinningar á kr.	100 000.00 = kr.	2 200 000.00
230 vinningar á kr.	10 000.00 = kr.	2 300 000.00
<hr/>		
255 vinningar	sanntals	kr. 7 000 000.00

Á happdrættisskuldabréfunum skal tilgreindur útdráttardagur, tala vinninga og fjárhæð þeirra hvers um sig.

Vinningar skulu birtir í Lögbirtingablaðinu, sem fyrst eftir dráttardag, auk þess sem vinningaskrár skulu liggja frammi á sölustöðum.

Fjármálaráðuneytið annast útdrátt vinninga að viðstöddum notarius publicus í Reykjavík og fulltrúa Seðlabanka Íslands.

Heimilt er að draga út vinninga með aðstoð tölvu Reiknistofu Raunvísindastofnunar Háskóla Íslands að viðstöddum ofangreindum aðilum, auk forstöðumanns Reiknistofunnar.

Verði tölva notuð við útdrátt vinninga, mun fjármálaráðherra setja nánari reglur um útdrátt á þann hátt, að höfðu samráði við forstöðumann Reiknistofu Raunvísindastofnunar Háskólans. Skal birta þær reglur í Lögbirtingablaði.

## 7. gr.

Happdrættisskuldabréfin eru undanþegin framtalsskyldu og eignarsköttum, en vinningar svo og verðbætur undanþegnar tekjuskatti og tekjuútsvari.

## 8. gr.

Innlausn happdrættisskuldabréfa og greiðsla vinninga fer fram í Seðlabanka Íslands, Reykjavík.

Handhafar skuldabréfa, sem hlotið hafa vinning eða við innlausn eftir 10 ár, geta snúið sér til banka, bankaútibúa eða sparisjóða og afhent þeim skuldabréf gegn sérstakri kvittun. Viðkomandi banki, bankaútibú eða sparisjóður sér síðan um að fá greiðslu úr hendi útgefanda með því að senda Seðlabankanum skuldabréfið til fyrirgreiðslu.

Eftir gjalddaga greiðast engar verðbætur vegna hækkunar vísitölu framfærslukostnaðar.

Verði skuldabréfi ekki framvísað innan 10 ára frá gjalddaga, er það ógilt.

Falli happdrættisvinnungur á skuldabréf, skal hans vitjað innan fjögurra ára frá útdrætti ella verður hann eign ríkissjóðs.

Sé gölluðum eða rifnum skuldabréfum framvísað til greiðslu vinnings eða innlausnar með þeim hætti, að bæði númer sjáist og meira en helmingur bréfsins fylgi, fer innlausn fram að fullu, en sjáist aðeins annað númerið, verður innlausn eða greiðsla vinnings innt af hendi að hálfu, enda sé meira en fjórðungi bréfsins framvísað.

## 9. gr.

Reglur XIX. kafla laga nr. 85 frá 23. júní 1936 um mál til ógildingar skjala o. fl. gilda ekki um skuldabréf samkvæmt reglugerð þessari.

## 10. gr.

Fjármunir þeir, sem inn koma fyrir sölu happdrættisskuldabréfanna, skulu renna til greiðslu kostnaðar af vega- og brúagerð á og við Skeiðarársand, er opni hringveg um landið.

Kostnaður við framkvæmd þessarar fjáröflunar greiðist af söluandvirði skuldabréfanna.

## 11. gr.

Reglugerð þessi, sem sett er skv. 9. gr. laga nr. 99 frá 28. desember 1971, öðlast þegar gildi.

*Fjármálaráðuneytið, 22. febrúar 1972.*

**Halldór E. Sigurðsson.**

*Jón Sigurðsson*

20. janúar 1972.

Nr. 18.

**REGLUGERÐ**

**um eftirlitsgjald lyfjabúða fyrir árið 1971.**

## 1. gr.

Gjald það, sem lyfsölum ber að greiða fyrir árið 1971, vegna lyfjaeftirlits samkvæmt 47. gr. lyfsölugaga nr. 30 29. apríl 1963 skal vera sem hér segir:

I. flokkur	.....	kr. 15 000.00
II. flokkur	.....	— 12 000.00
III. flokkur	.....	— 9 000.00
IV. flokkur	.....	— 6 000.00
V. flokkur	.....	— 3 000.00

## 2. gr.

Lyfjabúðum er skipað í flokka vegna greiðslu eftirlitsgjaldsins sem hér segir:

- I. flokkur: Lyfjabúðin Iðunn.  
Reykjavíkur apótek.
- II. flokkur: Apótek Austurbæjar.  
Holts apótek.  
Laugavegs apótek.
- III. flokkur: Akureyrar apótek.  
Apótek Keflavíkur.  
Hafnarfjarðar apótek.  
Ingólfs apótek.  
Stjörnu apótek.  
Vesturbæjar apótek.
- IV. flokkur: Akranes apótek.  
Apótek Vestmannaeyja.  
Borgar apótek.  
Garðs apótek.  
Háaleitis apótek.  
Ísafjarðar apótek.